



Republika e Kosovës
Republika Kosovo – Republic of Kosovo
ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY



RAPORTI IEKSPERTIT SHQYRTUES

<i>Ilaz Papaj-Ekspert Shqyrtues</i>	<i>Data e autorizimit të ekspertit</i> 07.10.2020	<i>Data e dorëzimit të raportit</i> 16.10.2020	Nr. i lëndës: 732/20
-------------------------------------	--	---	-------------------------

BAZA LIGJORE E SHQYRTIMIT

Me datën: 30.09.2020, OE "Olti Trasing" Shpk - Prishtinë, ka parashtruar ankesë me nr. 732/20, kundër njoftimit për dhënie të kontratës ku është rekomanduar për kontratë, OE "Alba Konstruksion" Shpk, Tiranë, lidhur me aktivitetin e prokurimit "Ndërtimi i sheshit Adem Preniqi", me nr. prokurimi 614-20-3884-5-1-1, iniciuar nga Autoriteti Kontraktues (AK) – "KK Obiliq".
Autoriteti kontraktues ka zbatuar **procedurë të hapur**, lloji i kontratës: **Punë**, vlera e parashikuar e kontratës: **1,398,297.28 €**.

Konform nenit 113, 114 të Ligjit Nr. 04/L-042, i plotësuar dhe ndryshuar me Ligjin 04/L-237, Ligjin 05/ L-068, dhe Ligjin 05/ L-092, Eksperti Shqyrtues i ka shqyrtuar pretendimet ankimore të OE ankues.

DISPOZITAT E SHKELURA DHE PRETENDIMET ANKIMORE

(Të përshkruhen dispozitat e shkelura dhe vetëm pikat e ankesës).

- Neni 1 i LPP-së
- Neni 6 i LPP- së
- Neni 7 i LPP-së
- Neni 59 i LPP-së
- Neni 60 i LPP-së
- Neni 40 i RRUOPP-së
- Neni 41 i RRUOPP-së

- Është shkelur neni 7 i Ligjit të Prokurimit Publi Nr.04/L-042 (Barazia në trajtim-Jo diskriminimi), i ndryshuar dhe plotësuar me ligjin Nr.04/L-237, ligjin Nr.05/L-068 dhe ligjin Nr.05/L-92.
- Është shkelur neni 72 i Ligjit të Prokurimit Publi Nr.04/L-042 (Dokumentacioni dhe Informacioni shtesë), i ndryshuar dhe plotësuar me ligjin Nr.04/L-237, ligjin Nr.05/L-068 dhe ligjin Nr.05/L-92.

Raporti i ekspertit shqyrtues lidhur me ankesën e parashtruar nga OE "Olti Trasing" Shpk, lidhur me aktivitetin e prokurimit "Ndërtimi i sheshit Adem Preniqi" me numër të prokurimit: 614-20-3884-5-1-1 të iniciuar nga Autoriteti Kontraktues (AK) – "KK Obiliq"

Neni 72

Dokumentacioni dhe informacioni shtesë

1. Kur informacioni apo dokumentacioni që duhet të dorëzohet nga operatorët ekonomikë është ose duket të jetë jo i plotë ose i gabuar, ose kur mungojnë dokumentet specifike, autoritetet kontraktuese mund të kërkojnë nga operatorët ekonomikë që të dorëzojnë, plotësojnë, sqarojnë apo kompletojnë informacionin apo dokumentacionin e duhur brenda një afati të caktuar kohor, me kusht që kërkesat e tilla bëhen në përputhje të plotë me parimet e trajtimit të barabartë dhe transparencës.

2. Autoriteti kontraktues mund të ftojë operatorët ekonomik për të plotësuar apo të qartësojë certifikatat dhe dokumentet e paraqitura në pajtim me nenet 65-71 të këtij ligji.

Në letër standarde për tenderuesin e eliminuar të datës 06/09/2020 në sqarim shkruan: "X Nuk keni përmbushur Kërkesat mbi kapacitetin ekonomik financiar dhe kërkesat mbi mundësitë teknike dhe/ose profesionale"-

Edhe pse në njohimin për kontratë Pika IV.2) Kriteret e Dhënies dhe në dosjen e tenderit kriter për dhënien e kontratës ka qenë: Tenderi i përgjegjshëm me çmimin më të ulët ju keni shpërblyer ofertën e operatorit Alba Konstruktion, Shqipëri, 1001 Tiranë për një shumë 989,026.00 € -(minus) shuma e ofertës tonë 914,544.43=74,448.44 € për këtë shumë ju e keni dëmtuar buxhetin e Republikës së Kosovës.

Në letër standarde për tenderuesin-kandidatin e eliminuar në

ARSYETIM keni shënuar:

"Të pjesa kërkesat mbi mundësitë teknike dhe/ose profesionale si në FDT sipas nenit 9.1&9.2 kërkesat 1.Kapaciteti teknik dhe profesional.

Operatori Ekonomik (OE) në listën e projekteve të realizuara si dhe tek dëshmitë e ofruara NUK ka paraqitur referenca, punë të natyrës së njëjtë për periudhën e shkuar 3 vjeçare, shuma e paraqitur për kryerjen e punëve të njëjta nuk i përmbushë kërkesat sipas FDT neni 9.1&9.2, prandaj Operatori Ekonomik nuk i plotëson Kërkesat mbi mundësitë teknike dhe/ose profesionale".

Përgjigje oferta e Operatorit ekonomik (OE "Olti Trasing" Sheshi Bill Clinton, 10000 Prishtinë është e përgjegjshme që i plotëson të gjitha kriteret e shënuara në njohimin për kontratë dhe në dokumentet të cilat e përbëjnë dosjen e tenderit. Jo që i plotëson, por e tejkalon shumë flish shumën të cilën ju e keni kërkuar FDT nenin 9.1&9.2.

Çdo objekt i ndërtuar qoftë afarist apo banesor sipërfaqe të mëdha ka ndërtime të shesheve e ndërtime të tilla kemi mjaft shumë sa që ndoshta po të kishim pasë mundësi t'i ndajmë do e kalonim shumën e planifikuar për ndërtimin e sheshit e jo vetëm 1,000,000.00 € ashtu siç keni kërkuar ju, dhe të gjitha ndërtimet janë përafërsisht të njëjta.

Provë:

Aneksi 6. Kriteret për dhënie të kontratës, përkatësisht kista e kontratave të realizuara për periudhën e kërkuar.

Në përfundim të prezantimit të argumenteve përmes kësaj Ankese kërkojmë nga eksperti shqyrtues i OSHP-së që

t'i propozoi Panelit Shqyrtues të OSHP-së të aprovojnë Ankesën e Operatorit Ekonomik "Olti Trasing" Shpk-Sheshi Bill Clinton,pn Prishtinë,Rep. e Kosovës,dhe i tërë aktiviteti i prokurimit të kthehet në ri-vlerësim dhe të urdhërohet autoriteti kontraktues Komuna e Obiliqit-Departamenti i Prokurimit të bëjë këtë:

VENDIM

-MIRATOHET si e bazuar Kërkesa për rishqirti e Operatorit Ekonomik "Olti Trasing" Shpk -Sheshi Bill Clinton,pn Prishtinë.

-ANULOHET Vendimi përkatësisht Njoftimi mbi vendimin e autoritetit kontraktues –shpërblim me kontratë i publikuar në faqen e platëformës elektronike të KRPP-së me datë 16/09/2020.

-Të mirren amsa adekuate korrigjuese për eliminimin e lëshimeve ligjore dhe të vendosët që me kontratë publike për aktivitetin e lartëcekur të prokurimit të shperblehet oferta e operatorit ekonomik "Olti Trasing" Shpk, Sheshi Bill Clinton,pn Prishtinë,si ofertë e përgjegjshme me çmimin më të ulët që plotëson të gjitha kriteret e specifikuar në Njoftimin për Kontratë dhe në dokumentet të cilat e përbëjnë dosjen e tenderit.

KRITERET PËR VLERËSIM

Kapaciteti teknik dhe profesional:

Kërkesa 1. Operatori ekonomik duhet të ofrojë dëshmi se ka përfunduar me sukses kontrata të natyrës së njëjtë në (3) vitet e fundit (duke filluar nga data e publikimit të këtij njoftimi për kontratë) jo më pak se: 1,000,000.00 €. Në rast të grupit Lideri duhet të ketë së paku 60% të shumës së kërkuar punë të natyrës së njëjtë

Dëshmia 1. Lista e kontratave të realizuara,sipas specifikimit teknik në dosje të tenderit tek Aneksi 6, ku duhet saktësuar titullin e kontratës, shumën e kontratës, datën e përfundimit dhe përfituesin si dhe listës të bashkëngjiten referencat ose certifikatat për kryerjen e punëve.

RAPORTI I KOMISIONIT VLERËSUES

Duke u bazuar në raportin e vlerësimit, komisioni vlerësues ka konstatuar si në vijim:

Komisioni i vlerësimit në raportin e tyre të datës 16.09.2020 pas ekzaminimit të ofertave ka rekomanduar për kontratë ofertën e OE "Alba Konstruktion" Shpk - Tiranë me çmim prej 989,026.00 €.

Sa i përket ofertës së OE ankues "Olti Trasing" Shpk – Prishtinë,nga komisioni i vlerësimit kjo ofertë (edhe pse ofertë më e lirë 914,577.56 €) është shpallur e papërgjegjshme me arsyetimin se nuk përmbush kërkesën e kapacitetit teknik dhe profesional ku është kërkuar kontrata dhe referenca të realizuara për periudhën tre vjeqare jo më pak se 1,000,000.00 €.

INFORMACIONET SHITESË TË MARRA ME ANË TË SQARIMEVE TË KERKUARA NGA E EKSPERTËVE SHQYRTUES DHE / OSE TEKNIK

///

VLERËSIMI SIPAS NENIT 4.1.26 TË LPP-së

(Të jepet një vlerësim se OE ankues është apo nuk është palë me interes sipas nenit 4.1.26).

///

VENDIMET E MËPARSHMETË PSH-së LIDHUR ME RASTET E NGJASHME

(Të sqarohet nëse për rastin e njëjtë është dhënë vlerësim tjetër).

///

ARSYETIMI PËR DEVIJIM NGA PRAKTIKA E MËPARSHME

(Të sqarohet për rastin se pse është devijuar nga praktika e mëparshme).

///

PËRGJIGJE NË PRETENDIMET ANKIMORE TË OE ANKUES "OLTI TRASING" SHPK -PRISHTINË

Përgjigje në Pretendimin 1

Lidhur me pretendimin e OE ankues "Olti Trasing" Shpk - Prishtinë, se AK gjatë vlerësimit, ekzaminimit dhe krahasimit të tenderëve ka eliminuar ofertën e tyre me arsyetimin se nuk përmbush kërkesën e kapacitetit teknik dhe profesional ku është kërkuar që OE duhet të ofroj dëshmi se ka përfunduar kontrata të natyrës së njëjtë në tri vitet e fundit jo më pak se 1.000.000.00 €, që sipas OE ankues kontratat dhe referencat e dorëzuara e tejkalojnë këtë vlerë dhe AK gjatë vlerësimit të tenderëve ka bërë shkelje të nenit 1.6, 7, 59, 60 të LPP-së, ekspertit shqyrtues ka këtë mendim.

Në dosjen e tendertit tek kërkesa 1. e kapacitetit teknik dhe profesional është kërkuar që operatori ekonomik duhet të ofroj dëshmi se ka përfunduar me sukses kontrata të natyrës së njëjtë në (3) vitet e fundit (duke filluar nga data e publikimit të këtij njoftimi për kontrate) jo më pak se: 1.000.000.00 €. Në rast të grupit Lideri duhet të ketë së paku 60% të shumës së kërkuar punë të natyrës së njëjtë, e dëshmuar me listën e kontratave të realizuara, sipas specifikimit teknik në dosje të tenderit tek Aneksi 6, ku duhet saktësuar titullin e kontratës, shumën e kontratës, datën e përfundimit dhe përfutjesin si dhe listës të bashkëngjiten referencat ose certifikatat për kryerjen e punëve.

OE ankues "Olti Trasing" Shpk se bashku me dosjen e tenderit ka dorëzuar edhe listën e kontratave të realizuara konform Aneksit 6 të dosjes së tenderit të dëshmuara me kontrata dhe referenca për realizimin e tyre.

OE ankues "Olti Trasing" Shpk ka dorëzuar kontratën e lidhur me Komunën e Lipjanit për "Ndërtimi i sheshit Adem Jashari" e lidhur me datë 11.10.2016 me nr prokurimi 613-016-069-5-1-1 në vlerë prej 465,757.77 €. Gjithashtu është dorëzuar edhe çertifikata e pranimit të punimeve e datës 05.12.2018 që është konform kërkesës së dosjes së tenderit.

Gjithashtu OE "Olti Trasing" Shpk ka dorëzuar edhe kontratën dhe aneks kontratën me Ministrinë e Administratës Publike për "Ndërtimi i ndërtesës së IKAP Lot 10" e lidhur me 14.11.2016 në vlerë prej 1,643,051.43 € dhe 38,022.36 € për aneks kontratën. OE ankues ka bashkangjitur edhe referencën për realizimin e punimeve të datës 13.03.2020.

Eksperti shqyrtues sqaron se kjo kontratë dhe referenca për realizimin e kësaj kontrate e prezentuar nga OE ankues duhet të konsiderohet e natyres së njejte përshkak se paramasa/pozicionet për punët që do të kryhen në aktivitetin e prokurimit "Ndërtimi i sheshit Adem Preniqi" siç janë pozicionet e instalimeve elektrike, instalimet e ujit, punët e betonit, gjelbrimit, ndërtimi i mureve, vendosja e kubëzave/pllakave, etj janë të natyrës së njejtë me pozicionet/punët që janë realizuar në kontratën e prezentuar nga OE ankues, andaj sipas ekspertit shqyrtues kjo kontrate dhe disa kontrata tjera të punëve të prezentuara nga OE ankues janë konform kërkesës së dosjes së tenderit dhe përmbushin vlerën e kërkuar prej 1,000,000.00 €.

Pretendimi ankimor është i bazuar

MENDIMI I EKSPERTIT SHQYRTUES

Duke u bazuar në sqarimet e lartpërmendura, eksperti shqyrtues i propozon panelit shqyrtues që ankesa e OE ankues **të aprovet si e bazuar**, të anulohet njoftimi për dhënie të kontratës dhe rekomandon që lënda të kthehet në **rivlerësim**.

Raporti i eksperizës ti dorëzohet:

- Autoritetit Kontraktues – KK OBILIQ
- Panelit Shqyrtues – OSHP,
- OE ankues – "OLTI TRASING" SHPK"